

丹溪心法附餘

卷 二

外感門下

中暑

暑風

注夏

中濕

濕熱


瘟疫

大頭病

冬溫病

嶺南諸病

運氣證治



丹溪心法附錄卷之二

外感門

中暑五

附暑風

注夏

丹溪心法

暑證用黃連香薷飲，挾痰加半夏南星，如虛洪加參芪，暑病內傷者用清暑益氣湯，暑氣二作風是痰用吐，注夏屬陰虛元氣不足，夏初春末頭眩脚軟食少躄執者，是宜補中益氣湯去柴胡升麻加炒栝白芍藥，挾痰者加南星半夏陳皮煎服，又或用生脈湯，暑風挾痰投火實者可用吐法。

暑乃夏月炎暑也盛熱之氣著人也有胃有傷有中三者

有輕重之分虛實之辯或腹痛水瀉者胃與大腸受之惡
心者胃口有痰飲也此二者胃者也可用黃連香薷飲清
暑益氣湯蓋黃連退暑熱香薷消暑水或身熱頭眩燥亂
不寧者或身如針刺者此為熱傷在內分也當以解毒湯
白虎湯加柴胡如氣虛者加入參此為傷暑或咳嗽發寒
熱盜汗出不止脈數者熱在肺經用清肺湯柴胡湯天水
散之類急治則可遲則不救盛火乘金也此為中暑凡治
病須要明白辯別慎勿混同施治春秋間亦或有之切莫
執一隨病處方為妙
戴云暑風者夏月卒倒不省人事者是也有因火者有因
痰者火君相二火也暑天地二火也內外合而炎燥所以

卒倒也痰者人身之痰飲也因暑氣入而鼓激痰飲寒濕
心之竅道則手足不知動躡而卒倒也此二者皆可吐內
經曰火蕪則發之吐即發散也量其虛實而吐之吐醒後
可用清劑調治之

入方 治暑渴

生苾

麥門冬

牛膝

炒栢

知母

葛根

甘草

右剉水煎服

附脈理

脈訣奉要曰暑傷於氣所以脈虛弦細芤遲躄狀無餘
附諸方

黃龍丸 治伏暑發熱煩渴嘔吐惡心

黃連 二斤

右以好酒五升煮乾為末麩糊丸梧子大熱湯下三十九

玉露散 張子和方 治暑渴

寒水石 滑石 石膏

桔樓根 各二兩

甘草 一兩

右為細末每服五錢新水調服

枇杷葉散 和劑方 治中暑伏熱煩渴引飲嘔噦惡心頭自昏眩

枇杷葉 去毛炙 香薷 七錢半

白茅根

麥門冬 去心

甘草 炙

乾木瓜 各一兩

丁香 陳皮 去心 厚朴 去皮姜汁炙

右為末每服二錢水一鍾姜三片煎服○如止渴躁去丁香加知母冷水調下

○已上諸方止渴之劑

生脈湯 生津止渴

人參 麥門冬 五味子

右剉水煎服

人參白虎湯 徐同知方 治伏暑發熱嘔吐身熱脈虛自汗

人參 一錢半 知母 二錢 石膏 半兩 甘草 炙 一錢

右以粳米一合水二鍾煎至一鍾不拘時熱服如伏暑作寒熱未解宜和五苓散同煎服伏熱後或冷水沐浴

或喫冷物清氣在脾不覺散令日晡作寒慘壯熱渾身酒
浙宜加桂煎服出汗便解

竹葉石膏湯 治伏暑內外發熱煩躁大渴 見濕熱類

○已上諸方補虛止渴之劑

香薷飲 和劑方治伏暑引飲口燥咽乾或吐或瀉並皆治之

一方加黃連四兩用姜汁同炒令老黃色名黃連香薷飲

如有搭搦加羌活煎服

厚朴 去皮姜汁炙 白扁豆 微炒 香薷 去土一

右以咀每服三錢水一鍾入酒少許煎七分沉冷不拘時

服熱則作瀉香薷須陳者佳

五物香薷飲 直指方驅暑和中通用

香薷 去土 二兩 白扁豆 姜汁 厚朴 去皮姜 白茯苓 去皮各

甘草 五分

右以咀每服五錢水二鍾煎至一鍾去滓溫服

二香散

治暑濕相搏霍亂轉筋煩渴悶亂 見霍亂類

香薷縮脾飲 直指方驅暑和中除煩止渴

縮砂仁 草果仁 烏梅肉 香薷

甘草 炒各 白乾葛 白扁豆 各一

右剉每服三錢生姜五片水煎去滓微溫服

縮脾飲 和劑方

消暑氣除煩渴止吐瀉霍亂

縮砂仁 四兩 乾芎 二兩 白扁豆 二兩 烏梅肉
草果 炒去殼 甘草 炙各四兩 一方無乾芎者有乾薑

右咬咀每服四錢水一大碗煎七分以水沉冷服

卻暑散 治暑伏熱頭目眩暈嘔吐泄痢煩渴背寒面垢

赤茯苓 生甘草 各四兩 寒食麩 生薑 各一斤

右為末每服二錢白湯調下

大順散 和劑方治胃暑伏熱升厥過多脾胃受濕水穀不分霍

亂嘔吐臟腑不調

甘草 三斤 乾薑 杏仁 去皮尖炒 肉桂 去皮各六兩

右先將甘草用白砂蜜炒及八分黃熟次入乾姜同炒却入

杏仁候杏不作聲為度用篩篩淨後入肉桂一處搗羅為

末每服三錢水一鍾煎至七分溫服如煩躁并花水調下
不拘時候以沸湯點服亦可

○廣按寒則傷形熱則傷氣何以言之人與天地同一氣
蓋夏月天之氣浮於地表則人之氣浮於肌表况被盛暑
所傷膚腠踈豁氣液為汗發泄於外是表裏之氣俱虛矣
不善攝生者暑熱傷於外生冷戕於中若之何而能運化
也是以水穀停積而為濕熱發為嘔吐為泄瀉甚則吐瀉
俱作而揮霍悶亂也若不即病濕熱怫鬱於內他日為癰
為痢之所由矣今大順散非治暑熱之藥乃治暑月飲食
過多為病之劑也欬

○已上諸方消導之劑

香朴飲子 聖惠方治大人小兒伏熱吐瀉虛煩作亂

人參去芦 茯苓去皮 甘草炙 紫蘇葉 木瓜

澤瀉 香薷去土 半夏湯泡 白扁豆炒 烏梅肉

陳皮 厚朴各四兩

右咬咀每服一兩水二鍾生姜三片棗一箇煎至一鍾食前熱服

六和湯 和劑方治心脾不調氣不升降霍亂轉筋嘔吐泄瀉寒熱交作痰喘咳嗽胸膈痞滿頭目昏痛肢麻浮腫腎脚倦怠小便赤澀并傷寒陰陽不分冒暑伏熱煩悶或成痲疾中酒煩渴畏食婦人胎產中亦可服

縮砂仁 半夏湯泡 杏仁去皮 人參

甘草炙各一兩 赤茯苓去皮 藿香葉去 白扁豆姜汁

木瓜各二兩 香薷 厚朴姜汁製

右咬咀每服一兩水二鍾生姜三片棗子一枚煎至一鍾溫服

十味香薷飲 百一選方消暑氣和脾胃

香薷一兩 人參去半 陳皮去白 白木 白扁豆炒去

黃芪去芦 甘草炙 厚朴去皮姜汁 木瓜

白茯苓去皮各半兩

右爲末每服二錢熱湯冷水任調下

清暑益氣湯 東垣方治長夏濕熱蒸人人感之四肢困倦精神減少懶於動作胸滿氣促支節疼痛或氣高而喘身熱

而煩心下膨悶小便黃而數大便澹而頻或痢或瀉不思飲食自汗眩暈

黃芪

蒼朮

米泔制

升麻

各一錢

人參

白朮

神麴

陳皮

澤瀉

各五分

甘草

酒柏

麥門冬

當歸

各三分

葛根

二分

五味子

九分

青皮

二分

右咬咀作一服水二大鍾煎至一鍾去滓太溫服食遠

○已上諸方補虛消導之劑

消暑丸

和劑方治伏暑引飲脾胃不和

半夏

一斤甘草

庄用

茯苓

去皮各半斤

右為末姜汁煮糊為丸如梧桐子每服五十丸熱湯下

解暑三白飲

和劑方

治胃暑伏熱霍亂嘔吐小便不利頭目

氏賢

澤瀉

白朮

白茯苓

各等分

右咬咀每服四錢水一鍾姜五片燈心十莖煎入分不拘

時服

五苓散

和劑方

治中暑煩渴身熱頭痛霍亂吐瀉小便赤少

如心神恍惚

加辰砂

桂分兩

又名辰砂五苓散

見濕熱

加味五苓散

濟生方

治伏暑熱二氣及胃濕泄瀉注下或煩

或湯或小便不利

赤茯苓

去皮

澤瀉

猪苓

去皮

白朮

各一兩

官桂

不見火

車前子

各半兩

右咬咀每服四錢水一鍾姜五片燈心十莖煎入分不拘

時服

益元散 御藥院方 治中暑身熱小便不利此藥性涼除胃脫積熱又淡能滲濕故利小便而散濕熱也見濕熱

桂苓甘露飲 御藥院方 治伏暑引飲過度肚腹膨脹霍亂瀉

利

白茯苓 去皮 白朮

猪苓 去皮

滑石 研各二兩

寒水石 研

甘草 炙

澤瀉 各一兩

肉桂 去皮半兩

右為末拌勻每服二錢熱湯冷水任下入蜜少許尤好

桂苓甘露散 張子和方

官桂 半兩

人參 去芦半兩

藿香 半兩

茯苓 去皮

白朮

甘草 炙

葛根

澤瀉

石膏

寒水石

滑石 二兩 木香 二錢半

右為細末每服二錢白湯下新水姜湯亦好

桂苓白朮散 宣明方 治冒暑濕熱吐瀉轉筋腹痛小兒亦可服

服

官桂 去皮

白朮

猪苓 各五錢

茯苓 去皮

澤瀉 各一兩

甘草 炙

石膏

寒水石 各二兩

滑石 四兩

右為末每服二錢熱湯新汲水或生姜湯調下劉廷瑞方

不用猪苓

○已上諸方利濕清熱之劑

龍鬚散 一名甘草散 聖惠方 治中暑迷悶不省人事及泄

濕霍亂作瀉一服即愈亦能解暑毒

白礬

庄一兩

五倍子

生一作五味子

烏梅

推去仁各二兩

甘草

一兩半炙一兩生用

飛羅麩

一兩一方用清明日麩尤佳

右為末入飛羅麩拌勻每服二錢新水調下

一方加柯子肉滴水為丸如彈子大細嚼水下名龍涎丸

二氣丹 治伏暑傷冷二氣交錯中脘痞結或泄或嘔

硝石

硫黃 各等分

右為末於銀石器內火炒令黃色再研用糯米糊為丸如

梧桐子大每服四十丸新汲井花水下

來復丹 和劑方治上盛下虛伏暑泄瀉如

硝石

一兩同硫黃為末入鍋內以微火炒用柳條攪不可火太過恐傷藥力再研極細名二氣末

船上硫黃 通明者二兩

太陰玄精石 研飛二兩

陳皮 去白二兩

青皮 去白二兩

五靈脂 水澄過曬乾

右先用五靈脂陳皮青皮為末次入玄精石末及二氣末

搗勻好醋打糊為丸如豌豆大每服三十丸空心米飲送

下

大黃龍丸 百一選方

治中暑身熱頭疼狀如瘧疾或煩渴嘔

吐昏悶不食

船上硫黃

硝石 各一兩

白礬

滑石 各半兩

雄黃 半兩

白麩 四兩

右五味研末入麩和勻滴水丸如梧子大每服九丸新水

下

○廣按已上三方皆劫劑也夫暑熱流金燉石人到其時
膚腠開豁氣液耗散而煩渴縱飲寒涼而不顧况氣液
為汗發泄于外其中虛矣所以不能耐水穀而停積
膠固于內發為嘔吐泄瀉腹痛頭疼身熱諸証非石藥
其性慄悍而能開散之乎

○已上諸方攻散暑毒之劑

暑病治例

出明醫雜著

王節齋曰夏至日後病熱為暑暑者相火行令也夏月人
感之鼻口齒而入傷心包絡之經其脈虛或浮大而散或
弦細孔運蓋熱傷氣則氣消而脈虛弱其為症汗煩則喘

渴靜則多言身熱而煩心痛大渴引飲頭疼自汗倦怠少
氣或下血發黃生斑甚者火熱制金不能平木搖撼不省
人事治暑之法清心利小便最好暑傷氣宜補其氣為要
又有惡寒或四肢逆冷甚者迷悶不省而為霍亂吐利痰
滯嘔逆腹痛瀉痢此則非暑傷人乃因暑而自致之病也
以其因暑而得故亦謂之暑病然治法不同也

若行人或農夫於日中勞役得之者是動而得之陽證也
其病必苦頭痛發躁熱惡熱捫之肌膚火熱必大渴引飲
汗大泄無氣以動乃天熱外傷元氣也宜清暑益氣用香
薷黃連扁豆人參黃芪五味知母石膏之類

暑熱發渴脈虛用人參白虎湯見前或用竹葉石膏湯亦

好見溫熱

東垣清暑益氣湯治長夏濕熱蒸人人感之四肢困倦精神少曾清氣促支節痛或氣高而喘身熱而煩心下痞悶小便黃而數大便溏而頻或痢或渴不思飲食自汗發虛此湯最好見前

若暑熱之時無病之人或避暑熱納涼於深堂大厦涼臺冷館大扇風車得之者是靜而得之陰證也其病必頭痛惡寒身形拘急肢節疼痛而煩心肌膚大熱無汗此為陰寒所遏使周身陽氣不得伸越宜用辛溫之劑以解表散寒用厚朴紫蘇乾葛藿香蒼活蒼朮之類若外既受寒內復傷水生冷瓜果之類前藥再加乾姜縮

砂神曲之類此非治暑也治因暑而致之病也

若外不受寒止是內傷水水冷物腹痛泄瀉或霍亂吐逆宜縮脾飲見前或理中湯見中寒類加神曲麥牙縮砂蒼朮此專治內濕中消食也

若吐瀉脈沉微甚者不可用涼藥可用大順散見前加熟附子等分或附子理中加炒芍藥

夏月多食冷物及過飲茶水致傷脾胃吐瀉霍亂故治暑藥多用溫脾胃消食治濕利小便之藥醫者要識此意若既傷暑熱復傷生冷外熱內寒宜先治其內濕中消食次治其外清暑補氣而以理脾為主於前陰陽二條內相兼取用東垣清暑益氣湯已兼此意其用黃芪升麻

人參白朮甘草麥門冬當歸五味黃柏葛根是清暑補氣也蒼朮神曲陳皮澤瀉青皮是治內補脾也

治暑風卒倒法 凡人中暑先者於心一時昏迷切不可與冷水飲并臥濕地其法先以熱湯灌或童便灌及用布蘸熱湯熨臍并氣海續續令暖氣透徹臍腹俟其甦省然後進藥若旅途中卒然暈倒急扶在陰涼處翹路中熱灰土作窩於臍中令人尿其內即甦却灌以人尿或攪地漿飲之半碗或車輪土五錢冷水調澄清服皆可 一方用大蒜三兩瓣細嚼溫湯送下禁冷水即愈

補中益氣湯 見內傷類

清肺湯 見咳嗽類

中濕六 陰濕熱

丹溪心法

本草云蒼朮治濕上下部皆可用 二陳湯中加酒苓羌活蒼朮散風行濕 脾胃受濕沉困無力怠惰好臥夫濕痰瀆用白朮 上部濕蒼朮功烈 下部濕宜升麻提之外濕宜表散 內濕宜淡滲 若燥濕以羌活勝濕湯平胃散之類若風濕相搏一身盡痛以黃芪防已湯若濕勝氣實者以神佑丸舟車丸服之氣虛者桑皮茯苓人參葶藶木香之類 凡肥人沉困怠惰是濕熱宜蒼朮茯苓滑石 凡肥白之人沉困怠惰是氣虛宜二朮人參半夏草蓰厚朴芍藥 凡黑瘦而沉困怠惰者是熱宜白朮黃芩 凡飲食不節脾胃受

傷不能近送宜枳朮丸去上焦濕及熱須用黃芩瀉肺火故也又如肺有濕亦宜黃芩如肺有虛熱宜天門冬麥門冬知母用黃芩多則損脾去中焦濕與痛熱用黃連瀉心火故也如中焦有實熱亦用黃連若脾胃虛弱不能運轉而鬱悶宜黃芩白朮乾葛若中焦濕熱積久而痛乃熱勢甚盛宜黃連用姜汁炒去下焦濕腫及痛併膀胱有火邪者必須酒洗防已黃柏知母草龍膽又云凡下焦有濕草龍膽防已為君甘草黃柏為佐如下焦腫及痛者是濕熱宜酒防已草龍膽黃柏蒼朮若肥白氣虛之人腫痛宜二木南星滑石茯苓黑瘦之人下焦腫痛宜當歸桃仁紅花牛膝楸樹黃柏戴云濕有自外入者有自內出者必審其方去之致病源

東南地下多陰雨地濕凡受必從外入多自下起以重腿脚氣者多治當汗散久者宜疎通滲泄西北地高人多食生冷濕麵重酪或飲酒後寒氣拂鬱濕不能越作致腹皮脹痛甚則水鼓脹滿或通身浮腫按之如泥不起此皆自內而出也辨其元氣多少而通利其二便責其根在內也此方土內外亦互相有之但多少不同須對證施治不可執一

附脈理

脈訣舉要曰或瀉或細或濡或緩是皆中濕可得而斷附諸方

麻黃白朮散 治感風濕身軀煩疼無汗發熱者

麻黃 去節 三兩 白朮 四兩 甘草 炙 二兩 桂心 一兩

杏仁 十六箇 去皮尖

右吹咀每四錢水一鍾煎七分空心服

羌活勝濕湯 拔粹方 治脊痛項強腰似折項似拔上衝頭痛

及足太陽經不行

羌活 去苗 一錢 獨活 去苗 各一錢 藁本 去苗 各一錢 防風 去苗 各五分

葛荊子 二分 川芎 二分 甘草 五分 炙

如身重腰沉沉然乃經中有濕熱也加黃柏一錢附子半

錢蒼朮二錢水二鍾煎至一鍾去渣溫服食後

平胃散 和劑方 治脾胃不和 不進飲食常服暖胃消痰

蒼朮 米泔浸 五斤 厚朴 姜制炒 各三斤 陳皮 二兩 甘草 十兩 炒

右為末每服五錢姜三片棗一枚煎服入塩一捻沸湯點

服亦得

一方加草果名平胃草果散

一方 治風濕

用蒼朮一斤米泔浸竹刀刮去皮晒乾為片以半斤用童

便浸一宿半斤用酒浸一宿焙乾為末每服一錢空心塩

湯或酒調下常服除濕壯筋骨明目

防已黃芪湯 治風濕相搏客在皮膚四肢少力關節煩疼

脈淨身重汗出惡風

防已 一兩 甘草 炙 半兩 白朮 七錢 半 黃芪 一兩 二錢 五分

右吹咀每服一兩入姜棗煎喘者加麻黃胃氣不和

芍藥 氣上衝加桂枝 下有寒加細辛

木附湯 和劑方 治風濕相搏 腰膝疼痛 四肢重著 不嘔 小便
大便堅硬 小便自利

白朮 四兩 附子 泡去皮 臍 甘草 炙二兩

右咬咀 每服三錢 水一鍾 姜棗煎熟服

生附湯 直指方 治受濕 腰痛腿腫

附子 生二錢半 蒼朮 炒 杜仲 姜炒 牛膝 酒浸

厚朴 姜制 乾姜 伍 白朮 茯苓 去皮

甘草 炙各二錢半

右咬咀 每服五錢 姜三片 棗一枚 食前煎服

羌附湯 清生方 治風濕相搏 手足皴痺 不可屈伸 或身微浮

腫

羌活 去芦 附子 泡去 皮臍 白朮 甘草 炙各等分

右咬咀 每服五錢 姜五片 水一鍾 煎七分 溫服

除濕湯 百一選方 治寒濕所傷 身軀重著 脚腰酸疼 大便溏

泄小便或澀或利

半夏 麴炒 厚朴 姜製 蒼朮 米泔制 各二兩

藿香葉 陳皮 去白 白茯苓 去皮 各一兩

甘草 炙七錢 白朮 生用 一兩

右咬咀 每服五錢 水一鍾 姜七片 棗二枚 煎七分 食別溫

服

○已上治外濕表散之劑

神仙飛步丹

治諸風濕癱瘓等証見中風類

仙傳黑虎丹

治感風溫傳於經絡手足麻木骨節遍身疼

痛腰腿疼痛見中風類

乳香黑虎丹

治諸風寒濕客於經絡渾身骨節疼痛

蒼朮 三兩

草烏 五兩

白芷

五靈脂

羌活

川芎

自然銅

醋淬七次

當歸 各二兩

乳香 一兩

右為細末酒糊為丸如梧桐子大百草霜為衣每服五十

丸臨臥溫酒下忌熱物

已上治外濕客于經絡既久疏通之劑

五苓散

治內傷飲食有濕小便赤少大便澹瀉方見中上暑類

赤茯苓丸

聖惠方

治內濕太過四肢腫滿腹脹喘急氣不宣

通小便赤澀

葶藶 四兩

防己 二兩

赤茯苓 一兩

木香 半兩

右為末薑肉丸如梧桐子大每服五十丸桑白皮湯下

茯苓湯

秘方治脾氣不實手足浮腫小便赤澀氣急喘滿

赤茯苓

澤瀉

香附子

陳皮

桑白皮

大腹皮

乾姜

各等分

右咬咀每服一兩水二鍾煎至一鍾去渣溫服不拘時

消腫丸 三四方治水腫喘滿小便不利

白朮

黑牽牛 炒

滑石

陳皮 各一錢

木通

扶神 去木

半夏 湯泡七次

通脫木

木香 各一分 茯苓

瞿麥穗

丁香 各半兩

右為末酒糊丸如梧桐子大每服五十九丸灯草麥門冬湯下

已上治内濕淡滲之劑

三花神佑丸 宜明方 治一切水濕腫病大腹實脹喘滿

輕粉一錢

大黃一兩牽牛二兩

芫花 醋半炒

甘遂

大戟 各半兩

右為末滴水丸小豆大初服五丸每服加五丸濕水下無時日三服

廣按世傳銀粉為治水腫鼓脹之藥以其善開濕熱勝鬱故也俱可少用為引經而已多則耗氣戒之戒之

舟車丸

大黃 二兩

甘遂

大戟

芫花

青皮

陳皮 各一兩 牽牛 頭末四兩

木香 半兩

右為細末水丸如梧桐子大每服六七十丸白湯下隨証加減

○已上治濕勝氣實者之劑

枳朮丸 治飲食不節脾胃受傷不能運送 見痞類

升陽除濕湯 治脾虛不能運化濕勝泄瀉 見泄瀉類

大安丸 治脾胃有濕飲食減少 見傷食

白朮和胃丸 治脾虛有濕不能飲食 見調胃

○已上健脾胃燥濕之劑

濕熱 新增

附論

○廣按濕熱之原蓋因寒溫飢飽失常喜怒勞役過度以傷脾胃夫脾胃乃水穀之海也今脾胃受傷而動火火則薰蒸水穀而為濕熱者也又按胃司納受脾司運化今脾不能運化飲食飲食停積而生濕熱亦良多矣為治之法人壯實則專攻其濕熱人弱虛則攻補兼施而補脾消穀導水三者不可闕一也

附脉理

脉理提綱曰濕熱脉緩大

附諸方

神芩導水丸

宣明方

治一切熱證常服保養除痰飲消酒食

清頭且利咽喉能令偏身結滯宣通氣和而愈神強賦健
破傷暑痢并婦人經病及產後血滯腰脚重痛小兒積熱
驚風潮搐名曰藏用丸亦曰顯仁丸加黃連薄荷川芎各
半兩名曰神芩丸

大黃

錫紋者黃芩

中枯者

牽牛

滑石

各四兩

右為細末滴水為丸如小豆大溫水下十九至十五丸每服
加十九丸日三服冷水下亦得煉蜜丸愈佳或久病熱鬱無
間瘦悴老弱并一切證可下者始自十九每服加十九以
利為度如常服此藥但除腸垢積滯不傷和氣推陳致新
得利便快並無蒸燥搔擾亦不因倦虛損頰遂病人心意

或熱甚必須急下者便服四五十九未利再服以意消息
三五歲孩兒丸如麻子大凡此一法此藥至善常服一二三
十九不利藏府但有益無損或婦人血下惡物加桂枝半
兩病微者常服病重者亦取利因而結滯開通惡物即下
也此方除藏府滑泄者或裏寒脈遲者或婦人經閉產後
血下不止者但孕婦等則不宜服除此以外一切風熱雜病
煩悶壅塞神氣不和或平人保養常服自顯其功若以効
驗觀其藥味則非明本草造化之理者不可得而知其然
也猶孔子讚易道明顯應化萬仁之善而不見其大道之
用功故曰顯諸仁藏諸用因以云藏用丸亦其義也兼以
世訛之久矣而不喜此等妙方不肯服之每有久獲大

効而誠懇求其方不得已而授之既見其方及生疑懼不
復用焉亦有刻而志信求其方務以廣傳救疾因衆議自
端擬疑妄生謗說致使俗醫皆畏之致道不能神但有効
病者後之君子但行其藥明顯諸人勿示其方而密藏諸
用耳或以一法加黃連川芎薄荷等各半兩治一切頭目
昏眩者愈加

○廣按此方瀉濕熱通利大小二便之藥也然濕熱內甚
不從二便而疎導之何能使之去乎蓋諸病皆生於熱
藏府為本經絡為標藏府之熱既去經絡之熱豈能留
乎此河間刘先生議此方誠千載治熱病之筌蹄也果
能依此方所云丸如小豆大每服十丸至十五丸以次

而加以通利為度何慮之有哉但有益而無損也又嘗論之地土有南北下濕高燥之殊人之賦質有肥白黑瘦之異所養有膏粱淡食之別所病有寒濕熱燥之差不可不詳審而明辨也若夫高燥之地黑瘦之人膏粱之家熱燥之病此藥切當若夫下濕之地肥白人淡食之家寒濕之病此藥猶未當也古人所立之方君臣佐用主治引經範圍已定不可分毫移易但後人不善於用所施不當反生疑議良可嘆息

玄青丸宜明方治下痢勢惡頻併窘嘔或久不愈諸藥不能須此下之以開除濕熱痞悶積滯而使氣血宣通而愈兼宜利積熱酒食積黃瘦中滿水腫腹脹煎療小兒驚疳積

熱乳癖諸證惟泄瀉者勿服 見痢類

除濕丹 按粹方治諸濕客搏腰膝重痛足脛浮腫筋脈緊急津液凝滯便溺不利目赤癢疹疽癰發背疥癬走注脚氣無首尾瘡癩不可盡述

檳榔 甘草 歲靈仙 赤芍藥

苧歷 各二 乳香 沒藥 各一 牽牛

大戟 炒各 陳皮 去白 四兩

右為末麩糊丸如梧桐子大每服五十丸加至七八十丸溫水下食前得更衣止如服藥前後忌酒二日藥後亦忌溫麩兩三日食溫淡粥補胃尤佳經驗良方有澤瀉青皮無苧歷

瘟疫 附大頭病 久濕病 嶺南諸病

運氣証治

丹溪心法

瘟疫癘人一般病者是又謂之天行時疫治有二法宜補宜散宜降 熱甚者加童便三法中入方宜

大黃

黃連

黃芩

人參

桔梗

防風

蒼朮

滑石

香附

人中黃

右為末神麩糊丸每服六七十丸分氣血與痰作湯使氣虛者四君子湯 血虛者四物湯 痰多者二陳湯送下 熱甚者童便下

又方溫病亦治食積痰熱降陰火

人中黃

飯為丸菘豆大下十五丸

又時疫方

半夏

川芎

茯苓

陳皮

山楂

白朮

蒼朮君

甘草

如頭痛加酒芩 口渴加乾葛 身痛加羌活薄荷防風芍藥

○大頭天行病此為濕氣在顛高之上切勿用降藥東垣有方

羌活

酒黃芩

酒蒸大黃

○冬溫為病非其時而有其氣也冬時嚴寒當君子閉藏而反發泄於外專用補藥而帶表藥如補中益氣之類作人中黃法

以竹筒兩頭留一節作一竅納甘草於中仍以竹木釘閉
竅於大糞中浸一月取出曬乾大治腹毒

左手脉大於右手浮緩而盛按之無力

大病虛脫本是陰虛用艾灸丹田者所以補陽陽生陰長故
也不可用附子止可多服人參

附諸方

十神湯 治時令不正瘟疫流行

升麻葛根湯 治大人小兒時氣瘟疫頭痛發熱

柴胡升麻湯 治時行瘟疫壯熱惡風頭痛身疼鼻塞咽乾

咳嗽涕唾稠粘

清熱解肌湯 治傷寒瘟疫天行頭痛壯熱 俱見溫熱類

黃連橘皮湯 瘟毒發斑

黃連 四兩 去土 陳橘皮 杏仁 去皮 尖 枳實

麻黃 去節 湯泡 葛根 各二兩 厚朴 姜汁 炙 甘草

每服五錢水一鍾煎溫服

小柴胡湯 治瘟疫內虛發熱胸脇痞悶

湯加瓜蒌仁

竹葉石膏湯 傷寒時氣表裏俱濕遍身發熱心胸煩悶得

汗已解內無津液虛羸少氣欬吐 俱見溫熱類

化癩湯 治斑毒 見溫熱

黃連解毒湯 治時疫三日已汗解或因飲酒後劇若煩悶

乾嘔口燥呻吟嗜睡小睡 見溫熱

附錄

三十一

漏蘆湯 治臍腑積熱發為腫毒時疫疔瘡頭面洪腫咽嗑

填塞水菜不下一切危惡疫癘

漏蘆 升麻 大黃 黃芩

藍藤 玄參 等分

右吹咀每服二錢水煎服 腫熱甚加芒硝二錢

消毒丸 治時毒疔瘡惡証

大黃 牡礪 殭蚕 炒等分

右為末煉蜜丸如彈子大新水化為丸內加桔梗大力子

湯尤妙

紫舌雄黃丸 辟時疫可與病人同床傳者衣被亦不相染

雄黃一兩研 赤小豆炒 丹參 鬼箭羽各二兩

右為細末蜜丸每服五丸空心溫水下

治大頭病兼治喉痺歌

人間治疫有神方 一兩殭蚕二大黃

姜汁為丸如彈子 井花調蜜便清涼

四君子湯

四物湯 俱見補損類

二陳湯 見痰類

補中益氣湯 見內傷類

○嶺南諸病 新增 出明醫雜著

附諸方

春秋時月人感山嵐瘴氣發寒熱脇膈飽悶不思飲食

此毒氣從鼻口入內也治當清上焦解內毒行氣降痰不

宜發汗

黃連一錢 姜水洗 黃芩一錢 酒拌炒 升麻一錢 半 生甘草七分

木香一錢 蒼朮一錢 半 泔水炒 厚朴一錢 姜製 枳實一錢 炒

半夏一錢 湯泡七次 桔梗一錢 去芦 柴胡一錢 木通一錢

生姜五片 水一鍾 半煎七分 食前熱服 渣煎四分 續服

寒溫不節 汗身脫衣巾 感冒風寒之氣 氣閉發熱 頭疼 此傷寒類也 但嶺南氣溫 易出汗 故多類瘧 重則寒熱不退 輕則為瘧 南方氣升 故嶺南人得此病者 卒皆胸滿 痰涎壅塞 飲食不進 與北方傷寒 只傷表而裏自和者 不同 治當解表 清熱 降氣 行痰 此方用於寒涼時 且及雖在溫暖時

而感冒風寒者

羌活一錢 半 蒼朮一錢 泔浸 柴胡一錢 黃芩一錢

橘紅一錢 去白 半夏一錢 湯洗 枳實一錢 甘草一錢 炙

川芎一錢

生姜五片 水一鍾 半煎七分 食前溫服 渣煎四分 隨服

取汗出 止服

瘧瘧時瘧寒熱往來

柴胡一錢 半 知母一錢 半 炒 蒼朮一錢 泔浸 黃芩一錢 酒炒

乾葛一錢 陳皮一錢 半夏一錢 湯洗 川芎一錢

甘草七分 炙

生姜三大片 梟梅肉一箇 水一鍾 半煎七分 食前清服

服渣煎四分午前服

瘡久者加入參一錢半當歸一錢汗多者去蒼木換白

木加酒炒白芍藥各一錢半

後變成痢疾瘡後之痢從臍治用補脾胃藥

黃連一錢炒 木香一錢 縮砂一錢 黃芩一錢炒

橘皮一錢 白朮一錢半 白芍藥二錢炒

甘草五分 當歸一錢酒洗

生姜三片水二鍾煎八分食前熱服

溫暑之月民病天行瘟疫熱心治宜清熱解毒兼治內外

枯黃芩一錢酒炒 知母一錢酒炒 石膏一錢半 升麻一錢

黃連五分酒炒 生甘草七分 羌活三錢 白芍藥一錢酒炒

生地黄五分酒洗 人參一錢半 乾葛一錢

生姜三片水一鍾半煎七分食前熱服渣煎四分繼服

若胸膈痞悶痰涎壅塞者加枳實半夏各一錢

生姜汁四五匙若脾胃不實加白朮一錢半

時氣發熱變為黃病所謂瘟癘也宜治內濕濕熱

茵陳一錢 黃連一錢水炒 山梔仁一錢 白朮一錢

白茯苓一錢去皮 厚朴一錢水炒 木通一錢去皮 木香七分

白芍藥一錢酒炒 乾葛一錢半 人參一錢

生姜三大片水二鍾煎七分食前溫服渣煎四分繼服

運氣證治新增 出乾坤注意

附諸賢論

運氣證治者所以察天地陰陽之理明五行衰旺之機考氣候之寒溫察民病之凶吉推加臨補瀉之法施寒熱溫涼之劑古人云治時病不知運氣如涉海問津誠哉言也今遵先賢圖訣撮其要領使人一覽而知其悉也矣

五運配十干之年

甲巳得合為土運 乙庚得合為金運

丁壬得合為木運 丙辛得合為水運

戊癸得合為火運

六氣為司天之歲

子午少陰君火 丑未太陰濕土 寅申少陽相火

卯酉陽明燥金 辰戌太陽寒木 巳亥厥陰風水

南政北政

甲巳土運為南政蓋土居中央君尊南面而行餘四運以臣事之面北而受令所以有別也

十二支年分運氣

子午年少陰君火司天歲氣熱化之候

司天者天之氣候也

君火者手少陰心經也心者君主之官神明出焉君火

乃主宰陽氣之本餘象生土乃發生萬物之源

陽明燥金在泉

在泉者地之氣候也

初之氣厥陰風水用事子上父下益辛濕苦

自年前十二月大寒節起至二月驚蟄終止

天時 寒風切冽霜雪水冰蟄虫伏藏

民病 關節禁固腰腿疼中外瘡瘍

二之氣少陰君火用事火盛金衰補肺瀉心

自二月春分節起至四月立夏終止

天時 風雨時寒雨生羽蟲

民病 淋氣鬱於上而熱令人目赤

三之氣少陽相火用事君相二火瀉苦益辛

自四月小滿節起至六月小暑終止

天時 大火行熱氣生羽蟲不鳴燕百舌杜宇之類

民病 厥熱心痛寒更作咳喘目赤

四之氣太陰濕土用事子母相順瀉脾補腎

自六月大暑節起至八月白露終止

天時 大雨時行寒熱互作

民病 黃疸衄血咽乾嘔吐痰飲

五之氣陽明燥金用事心盛肺衰火怕水復

自八月秋分節起至十月立冬終止

天時 溫氣乃至初冬尤暖萬物尚榮

民病 寒熱伏邪於春為癘

六之氣太陽寒水用事火衰心病瀉鹹益苦

自十月小雪節起至十二月小寒終止

天時 暴寒勁切火邪恣毒寒氣暴止

民病 生腫咳嗽甚則血溢下連小腹而作寒中
丑未年太陰濕土司天歲氣濕化之候

太陰濕土者足太陰脾經也脾屬中央戊己土每季寄
旺于十八日合為七十二日以應一歲六六三百六十
日之成數也

太陽寒水在泉

初之氣厥陰風水用事主狂客衰濕酸補甘

自年前十二月大寒節起至閏二月驚蟄終止

天時 大風發榮雨生毛虫

民病 血溢經絡拘強關節不利身重筋痛

二之氣少陰君火用事以下生上濕并補酸

自二月春分節起至四月立夏終止

天時 大火至疫癘君令宜行濕蒸相搏暴雨時降

民病 瘟疫盛行遠近咸若

三之氣少陽相火用事土旺尅水補腎瀉脾

自四月小滿節起至六月小暑終止

天時 雷雨電雹地氣騰濕氣降

民病 身重眊腫胸腹滿感冒濕氣

四之氣太陰濕土用事其旺賊衰補腎益膀胱

自六月大暑節起至八月白露終止

天時 炎熱沸騰地氣升濕化不流

民病 腠理熱血暴溢寒瘧心腹脹浮腫

五之氣陽明燥金用事土能生金益肝瀉肺

自八月秋分節起至十月立冬終止

天時 大涼霧露降

民病 皮膚寒癢疔甚行

六之氣太陽寒水用事以上剋下瀉脾補腎

自十月小雪節起至十一月小寒終止

天時 大寒凝冽

民病 關節禁固腰腿拘痛

寅申年少陽相火司天歲氣火化之候

少陽相火者三焦浮流之火火邪炎上上剋肺金金受剋腎水去母則上盛下虛虛陽上攻變生諸疾致傷元

氣厥陰風木在泉

初之氣厥陰風木用事子父相逢瀉苦益辛

自年前十二月大寒節起至二月驚蟄終止

天時 熱風傷人時氣流行

民病 寒熱交作咳逆頭痛血氣不調心腹不快

二之氣少陰君火用事肺衰心盛制苦益辛

自二月春分節起至四月立夏終止

天時 暴風疾雨溫濕相蒸

民病 上熱咳逆胸膈不利頭痛寒熱

三之氣少陽相火用事長旺火熾補肺益太陽

自四月小滿節起至六月小暑終止

天時 炎暑亢阜，草萎河輸。

民病 煩熱目赤，喉閉失血，熱清風邪，人多暴死。

四之氣 太陰濕土用事，火能生土，溽其補鹹。

自六月大暑節起，至八月白露終止。

天時 風雨時降，炎暑未去。

民病 瘧痢交作，寒熱頭疼。

五之氣 陽明燥金用事，肺金受邪，溽苦補辛。

自八月秋分節起，至十月立冬終止。

天時 寒熱風雨，草木黃落。

民病 寒邪風熱，君子周密。

六之氣 太陽寒水用事，心火受剋，瀉鹹補苦。

自十月小雪節起，至十一月小寒終止。

天時 寒溫無時，地氣正，寒霜露乃降。

民病 感冒寒邪，關節不利，心腹痛。

卯酉年 陽明燥金，司天歲氣燥化之候。

陽明燥金者，肺與大腸之氣象，庚辛金也。

少陰君火在泉。

初之氣 厥陰風木用事，金木相剋，補酸瀉辛。

自年前十一月大寒節起，至二月驚蟄終止。

天時 陰始凝，風始肅，水乃冰，寒雨多，花開遲。

民病 寒熱浮腫，失血嘔吐，小便赤淋。

二之氣 少陰君火用事，火盛金衰，瀉苦益辛。

自二月春分節起至四月立夏終止

天時 臣居君位大熱昇行

民病 疫癘流行人多卒暴

三之氣少陽相火用事主盛客衰瀉心補肺

自四月小滿節起至六月小暑終止

天時 燥熱交合風雨暴至

民病 寒熱頭疼心煩作渴

四之氣太陰濕土用事以下生上瀉辛益酸

自六月大暑節起至八月白露終止

天時 早秋寒雨有傷苗稼

民病 卒暴寒熱風邪傷人心收浮腫瘡瘍失血

五之氣陽明燥金用事金盛木衰瀉肺補肝

自八月秋分節起至十月立冬終止

天時 冬行春令草木生青風雨生虫

民病 寒熱作痢氣血不和

六之氣太陽寒水用事客來助主益苦瀉鹹

自十月小雪節起至十二月小寒終止

天時 氣候反溫蟄虫出現反行春令

民病 疫癘溫毒寒熱伏邪

辰戌年太陽寒水司天歲氣寒化之候

太陽寒水者足膀胱經也與足少陰腎經合為表裏屬

北方壬癸水

太陰濕土在泉

初之氣厥陰風木用事脾胃受邪瀉鹹助其

自年前十二月大寒節起至二月驚蟄終止

天時 氣早暖草早榮溫風至

民病 瘟疫寒熱頭眩嘔吐瘡瘍

二之氣少陰君火用事心火受邪瀉鹹補其

自二自春分節起至四月立夏終止

天時 春寒多雨寒濕無時

民病 氣鬱中滿浮腫寒熱

三之氣少陽相火用事以上剋下瀉鹹助其

自四月小滿節起至六月小暑終止

天時 暴熱乍涼疾風暴雨

民病 寒熱吐利心煩悶亂癰疽瘡瘍

四之氣太陰濕土用事木旺土衰瀉其補酸

自六月太暑節起至八月白露終止

天時 風濕交爭雨生羽蟲暴風疾雨

民病 大熱短氣赤白痢瀉

五之氣陽明燥金用事金生水旺制鹹益苦

自八月秋分節起至十月立冬終止

天時 濕熱而行客行主令

民病 氣虛客熱血熱妻行肺氣壅盛

六之氣太陽寒水用事水盛火衰瀉鹹助其

自十月小雪節起至十二月小寒終止

天時 凝寒雨雪地氣正濕令行

民病 病乃凄慘年頗多災脾受濕肺旺肝衰

巳亥年厥陰風木司天歲氣風化之候

厥陰風木者足厥陰肝經也肝屬東方甲乙木春旺七

十二日也

少陽相火在泉

初之氣厥陰風木用事脾胃受邪濕酸補耳

自年前十二月大寒節起至二月驚蟄終止

天時 寒始肅客行主令殺氣方盛

民病 寒居右脇氣滯脾胃虛羸

二之氣少陰君火用事火旺金衰瀉心補肺

自二月春分節起至四月立夏終止

天時 寒不去霜雪水穀氣施水草焦麥雨至

民病 熱中氣血不升降

三之氣少陽相火用事肺經受邪濕泄益辛

自四月小滿節起至六月小暑終止

天時 風熱大作雨生材虫

民病 淚出耳鳴掉眩

四之氣太陰濕土用事木土相刑濕酸益耳

自六月大暑節起至八月白露節止

天時 熱氣返用山澤浮雲暴雨溽濕

民病 心受邪黃疸面為浮腫

五之氣陽明燥金用事以金刑木瀉肺益肝

自八月秋分節起至十月立冬終止

天時 燥溫更驟沉陰乃布風雨乃行

民病 寒氣及於肺受風脾受濕發為癰

六之氣太陽寒水用事主助客勝瀉酸補甘

自十月小雪節起至十二月小寒終止


天時 畏火司令陽乃火化蟄虫出見流水不冰地

氣大發草乃生

民病 瘟疫心腎相制

○廣按運氣之說內經言之詳矣夫人在氣交之中與天地

相為流通苟不先立其年以明其氣臨病施治之際烏
乎以用補瀉之藥哉此運氣證治不可不知也又嘗按
而驗之多有不應何則陰陽之消長寒暑之更易或失
其常在智者通其治變豈可膠柱鼓瑟按圖索驥也耶○
又按時氣流行或有病者不病者蓋邪之所襲其氣必
虛故虛者感邪而實者邪難入也又有一家傳染者蓋
家有病人有憂患而飲食少飲食少則氣餒矣時與病
人相近感其病氣從鼻口入也



4/286

丹波川海内食二

三四



